

萬有文庫

第一集一千種

王雲五主編

唐詩別裁

(四)

沈德潛選註

商務印書館發行

庫文卷五

卷五

圖書室

藏書目錄

目錄

圖書室

行藏錄

唐詩別裁

(四)

沈德潛選註

國學基本叢書

萬

種字一集一第

裁別詩唐

冊 四

註選潛德沈

路山寶海上
館書印務商

者刷印兼行發

埠各及海上
館書印務商

所行發

版初月十年八十國民華中

究必印翻權作著有書此

The Complete Library

Edited by

Y. W. WONG

TANG SHIH PIEH TSAI

Selected and Annotated by

SHEN TE TSIEN

THE COMMERCIAL PRESS, LTD.

Shanghai, China

1929

All Rights Reserved

唐詩別裁

卷十五

七言古詩

韓愈

奉和庫部盧四兄曹長元日朝迴

天仗宵嚴建羽旄。春雲送色曉雞號。金爐香動螭頭暗。玉珮聲來雉尾高。戎服上趨承北極。儒冠列侍映東曹。太平時節身難遇。郎署何須歎二毛。

晉公破賊回重拜台司以詩示幕中兵客愈奉和

南伐旋師太華東。天書夜到冊元功。將軍舊壓三司貴。相國新兼五等崇。鸛鷺欲歸仙仗裏。熊羆還入禁營中。長慚典午非材職。司馬隱語。公自謂。得就閒官卽至公。

左遷至藍關示姪孫湘湘字清夫。

一封朝奏九重天。夕貶潮陽路八千。欲爲聖明除弊事。肯將衰朽惜殘年。雲橫秦嶺家何在。雪擁藍關馬不前。知汝遠來應有意。好收吾骨瘴江邊。

酒中留上襄陽李相公

即李逢吉。憲宗罷逢吉政事，出爲劍南節度使。穆宗立，移襄州刺史。山南東道節度使。

濁水汙泥清路塵，還曾同制掌絲綸。眼穿長訝雙魚斷，耳熱何辭數爵頻。銀燭未消窗送曙，金釵半醉座添春。知公不久歸鈞軸，應許閒官寄病身。

公之獄獄而忽作此明麗之句，如廣平之賦梅花，不礙心似鐵也。

柳宗元

登柳州城樓寄漳汀封連四州刺史

韓泰、漳州，韓曄、汀州，陳諫、封州，劉禹錫、連州。

城上高樓接大荒

從登城起，有百事交集之感。

海天愁思正茫茫，驚風亂颭芙蓉水。密雨斜侵薜荔牆，嶺樹重遮千里

目。江流曲似九迴腸，共來百粵文身地。猶自音書滯一鄉。

驚風密雨，言在此而意不在此。嶺南江行詩中，射工颺母亦然。

別舍弟宗

零落殘魂倍黯然，雙垂別淚越江邊。一身去國六千里，萬死投荒十二年。桂嶺瘴來雲似墨，

留自己。

洞庭春

盡水如天。

弟之楚。

欲知此後相思夢，長在荊門郢樹煙。

嶺南江行

瘴江南去入雲煙，望盡黃茅是海邊。山腹雨晴添象跡，潭心日暖長蛟涎。射工巧伺遊人影，颺母偏驚旅

客船。從此憂來非一事，豈容華髮待流年。

中二聯俱寫風土之異，不分淺深。

得盧衡州書因以詩寄

臨蒸且莫歎炎方。爲報秋來鴈幾行。林邑東迴山似戟。牂牁南下水如湯。蒹葭淅瀝含秋霧。橘柚玲瓏透夕陽。非是白蘋州畔客。還將遠意問瀟湘。

柳州峴峩

郡城南下接通津。異服殊音不可親。青簫裹鹽歸峴客。綠荷包飯趁墟人。鵝毛禦臘縫山罽。雞骨占年拜水神。愁向公庭問重譯。欲投章甫作文身。

劉禹錫

大歷後詩夢得高於文房與白傳唱和故稱劉白。夫劉以風格勝白以近情勝各自成家不相肖也。

松滋渡望峽中

渡頭輕雨灑寒梅。雲際溶溶雪水來。望峽中夢渚草長迷楚望。夷陵土黑有秦灰。巴人淚應猿聲落。正寫望峽蜀客船從鳥道迴。十二碧峯何處所。永安宮外是荒臺。左傳江漢雖漳楚之望也。

送原中丞充新羅冊立使

相門才子稱華簪。持節東行捧德音。身帶霜威辭鳳闕。中丞口傳天語到雞林。新羅煙開鼉背千尋碧。日浴鯨波萬頃金。想見扶桑受恩處。一時西拜盡傾心。

西塞山懷古

王濬樓船下益州。起手如黃鶴高舉。見天地方員。金陵王氣黯然收。千尋鐵鎖沉江底。一片降幡出石頭。流走見地利不足恃。人世

幾回傷往事。山形依舊枕寒流。從今四海爲家日。別於三故壘蕭蕭蘆荻秋。時夢得與元微之草楚客白樂天各賦金陵懷古夢得詩

成樂天覽之曰四人探利龍子已獲珠餘皆鱗爪矣遂罷唱

奉送浙西李僕射赴鎮

建節東行是舊遊。歡聲喜氣滿吳州。郡人重得黃丞相。童子爭迎郭細侯。郭伋字細侯詔下初辭溫室樹。夢中先到景陽樓。言其不忘君也自憐不識平津閣。遙望旌旂汝水頭。應是重鎮浙西故云舊遊及黃丞相等語

早春對雪奉寄澧州元郎中

新賜魚書墨未乾。賢人暫屈遠人安。朝驅旌旆行時令。夜見星辰憶舊官。即言上應列宿梅蘂覆階鈴閣暖。下對雪花當戶戟枝寒。寧知楚客思公子。來澧州作結北望長吟澧有蘭。

漢壽城春望

古荆州刺史治亭下有子胥廟楚王故墳

漢壽城邊野草春。荒祠古墓對荆榛。田中牧豎燒芻狗。陌上行人看石麟。華表半空經霹靂。碑文纔見滿埃塵。不知何日東瀛變。此地還成要路津。

荊州道懷古

南國山川舊帝畿。宋臺梁館尚依稀。馬嘶古道行人歇。麥秀空城野雉飛。風吹落葉填空井。火入荒陵化寶衣。徒使詞臣庾開府。咸陽終日苦思歸。

始聞秋風

昔看黃菊與君別。今聽玄蟬我卻回。五夜颼颼枕前覺。一年形狀鏡中來。馬思邊草拳毛動。鵬盼青雲倦眼開。天地肅清堪四望。爲君扶病上高臺。君字來知。咸謂下牛首英氣勃發。少陵操管。不過如是。

感呂衡州時予方謫居溫

一夜霜風凋玉芝。蒼生望絕士林悲。空懷濟世安人略。不見男婚女嫁時。遺草一函歸太史。孤墳三尺近要離。朔方徙歲行當滿。欲爲君刊第二碑。先有峴山墜淚碑。

再授連州至衡陽酬柳柳州贈別

去國十年同赴召。渡湘千里又分歧。重臨事異黃丞相。再授。三黜名慚柳士師。歸目併隨回鴈盡。至衡陽而北望也。愁腸正遇斷猿時。桂江東過連山下。相望長吟有所思。與子厚同召。柳得柳州。劉得播州。子厚謂播州非人所居。願以柳州易播。大臣爲上言之。乃改授連州。

赴蘇州酬別樂天

吳郡魚書下紫宸。長安廐吏送朱輪。二南風化承遺愛。八詠聲名躡後塵。梁氏夫妻爲寄客。陸家兄弟是州民。江城春日追隨處。共憶東歸舊主人。頸聯可云佳話。

酬樂天揚州初逢席上見贈

巴山楚水淒涼地。二十二年棄置身。懷舊空吟聞笛賦。到鄉翻似爛柯人。沉舟側畔千帆過。病樹前頭萬

木春。今日聽君歌一曲。暫憑杯酒長精神。沉舟二語見人事不齊造化亦無如之何悟得此旨終身無不平之心矣。

刑部白侍郎謝病長告改賓客分司以詩贈別

鼎食華軒到眼前。拂衣高座豈徒然。九霄路上辭朝客。四皓叢中作少年。他日臥龍終得雨。今朝放鶴且冲天。洛陽舊有衡茅在。亦擬抽身伴地仙。言已亦欲告歸。

白居易

香鑪峯下新卜山居草堂初成偶題東壁

五架三間新草堂。石階桂柱竹編牆。南檐納日冬天暖。北戶迎風夏月涼。灑砌飛泉常有點。拂窗斜竹不成行。來春更葺東廂屋。紙閣蘆簾著孟光。

贈楊祕書巨源

自注楊嘗有贈人詩云三刀夢益州一箭取遼城由是得名。

早聞一箭取遼城。相識雖新有故情。清句三朝誰是敵。白鬚四海半爲兄。貧家薤草時時入。瘦馬尋花處處行。不用更教詩過好。折君官職是聲名。

聞楊十二新拜省郎遙以詩賀

文昌新入有光輝。紫界宮牆白粉闌。曉日雞人傳漏箭。春風侍女護朝衣。雪飄歌曲高難和。鶴拂煙霄老慣飛。官職聲名俱入手。近來詩客似君稀。前有折君官職是詩名。故用末二句以解之。

自河南經亂關內阻飢兄弟離散各在一方因望月有感聊書所懷寄上浮梁大兄於潛七兄
烏江十五兄兼示符離及下邳弟妹

時難年荒世業空。弟兄羈旅各西東。田園寥落干戈後。骨肉流離道路中。弔影分爲千里鴈。辭根散作九秋蓬。共看明月應垂淚。一夜鄉心五處同。

和楊尙書罷相後暇遊永安水亭兼招本曹楊侍郎同行

道行無喜退無憂。舒卷如雲得自由。良治動時爲哲匠。巨川濟了作虛舟。句得大體竹亭陰合偏宜夏。水檻風涼不待秋。遙愛翩翩雙紫鳳。入同官署出同遊。隨題順寫第四語尤工於立言

尋郭道士不遇

郡中乞假來相訪。洞裏朝元去不逢。看院祇留雙白鶴。入門惟見一青松。藥爐有火丹應伏。雲碓無人水自舂。欲問參同契中事。更期何日得從容。

欲與元八卜鄰先有是贈

平生心迹最相親。欲隱牆東不爲身。明月好同三徑夜。綠楊宜作兩家春。每因暫出猶思伴。豈得安居不擇鄰。何獨終身數相見。子孫長作隔牆人。兩家意語語夾寫一步深是一步

餘杭形勝

餘杭形勝四方無。州傍青山縣枕湖。遠郭荷花三十里。拂城松樹一千株。夢兒亭古傳名謝。教伎樓新道姓蘇。獨有使君年太老。風光不稱白髭鬚。靈隱山上有夢謝亭。即杜明甫夢謝靈運之所。因名客兒亭。蘇小小錢塘人也。

錢塘湖春行

孤山寺北賈亭西。水面初平雲腳低。幾處早鶯爭暖樹。誰家新燕啄春泥。芳苑亂花漸欲迷人眼。淺草纔能沒馬蹄。最愛湖東行不足。綠楊陰裏白沙隄。今之白隄。即白沙隄。白公時已有之。非白公築也。虎邱白公隄。公爲刺史時所築。

西湖晚歸回望孤山寺贈諸客

柳湖松島蓮花寺。晚動歸橈出道場。盧橘子低山霧重。棕櫚葉戰水風涼。烟波淡蕩搖空碧。樓閣參差倚夕陽。孤山一路風景。即到岸請君回首望。蓬萊宮也。在海中央。白傳刺杭時。往來湖上。謠飲賦詩。藝林知名。畫家亦不能到。有涯量也。烏得以詩人概之。西湖之水。潤三邑之田。其功未

西湖留別

征途行色慘風烟。祖帳離聲咽管絃。翠黛不須留五馬。皇恩只許住三年。綠藤陰下鋪歌席。紅藕花中泊妓船。處處回頭盡堪戀。就中難別是湖邊。

武邱寺路宴留別諸妓

銀泥裙映錦障泥。畫舸停桡馬簇蹄。清管曲終鸚鵡語。紅旗影動駮轡嘶。音蔣韓。漸消醉色朱顏淺。欲語

離情翠黛低。莫忘使君吟詠處。女墳湖北武邱西。

送蕭處士遊黔南

能文好飲老蕭郎。身似浮雲鬢似霜。生計拋來詩是業。家園忘卻酒爲鄉。江從巴峽初成字。猿過巫陽始斷腸。不醉黔中爭去得。磨圍山月正蒼蒼。

送王十八歸山寄題仙遊寺

曾於太白峯前住。數到仙遊寺裏來。黑水澄時潭底出。白雲破處洞門開。林間暖酒燒紅葉。石上題詩掃綠苔。惆悵舊遊無復到。菊花時節羨君迴。

八月十五夜禁中獨直對月憶元九

銀臺金闕夕沉沉。獨宿相思在翰林。三五夜中新月色。中二千里外故人心。憶元渚宮東面煙波冷。浴殿西頭鐘漏深。猶恐清光不同見。江陵卑濕足秋陰。

酬贈李鍊師見招

幾年司諫直承明。今日求真禮上清。曾犯龍鱗容不死。欲騎鶴背覓長生。二語合着方妙劉綱有婦仙同得。伯道無兒素更輕。若許移家相近住。便驅雞犬上層城。

寄殷協律

自注多敘江南舊遊

五歲優遊同過日。一朝消散似浮雲。琴詩酒伴皆拋我。雪月花時最憶君。幾度聽雞歌白日。亦曾騎馬詠紅裙。吳娘暮雨蕭蕭曲。自別蘇州更不聞。何人又注予在杭州日有歌云聽唱黃雞與白日又云著紅騎馬是

涼覺凄

九年十一月二十一日感事而作

其日獨遊香山寺

禍福茫茫不可期。大都早退似先知。當君白首同歸日。是我青山獨往時。白首同所歸潘岳與石崇臨別時語顧索素琴應

不暇憶牽黃犬定難追。麒麟作脯龍爲醢。何似泥中曳尾龜。

東坡志林云樂天爲王涯所譴謫江州司馬在洛適遊香山寺有白首同

歸二句不知者以爲幸之也樂天豈幸人之禍者哉蓋悲之也○汪立名曰太和九年甘露事李訓鄭注舒元與王涯賈餗皆被害味詩中同歸句本就事而言不專指王涯也公自池州召還秩位漸崇見

機引退宜官之禍早計及者何至追憾王涯况公之遷謫本由宜官惡之附宜官者成之豈反以宜官誅夷士大夫爲快幸禍之說出於章惇蓋以小宜官心度君子腹耳

元稹

贈嚴童子

自注嚴司空孫十歲能詩有奇句詩題有成人風

衛瓘諸孫衛玠珍。可憐雛鳳好青春。解拈玉葉排新句。認得金環識舊身。用羊祐事十歲佩觿嬌穉子。八行飛札老成人。楊公莫訝清無業。家有驪珠不復貧。

以州宅夸於樂天

州城迴繞拂雲堆。鏡水稽山滿眼來。四面常時對屏障。一家終日在樓臺。星河似向簷前落。鼓角驚從地

底迴。我是玉皇香案吏。謫居猶得住蓬萊。

州宅卽越王臺。在臥龍山上。人民城郭。俱在其下。故有鼓角驚從地底迴句。

重夸州宅且慕景色兼酬前篇末句

仙都難畫亦難書。暫合登臨不合居。繞郭烟嵐新雨後。滿山樓閣上燈初。人聲曉動千門闢。湖色宵涵萬象虛。爲問西州羅剎岸。濤頭衝突近何如。

浙江亦名羅剎江。末二語。嘲樂天也。樂天有解嘲詩。

寄樂天

榮辱升沉影與身。世情誰是舊雷陳。惟應鮑叔猶憐我。自保曾參不殺人。山入白樓沙苑暮。潮生滄海野塘春。老逢佳景惟惆悵。兩地各傷何限神。

此微之傷心之言。

遣悲懷

三首存一。

謝公最小偏憐女。自嫁黔婁百事乖。顧我無衣搜蠹_名篋。泥他沽酒拔金釵。野蔬充膳甘長藿。落葉添薪仰古槐。今日俸錢過十萬。見唐代俸之厚。與君營奠復營齋。

和樂天早春見寄

雨香雲澹覺微和。誰送春聲入櫂歌。萱近北堂穿土_新。早柳偏東面受風多。湖添水色消殘雪。江送潮頭

李德裕

嶺南道中

嶺水爭分路轉迷。桃榔椰葉暗蠻溪。愁衝毒霧逢蛇草。畏落沙蟲避燕泥。五月畬田收火米。三更津吏報潮雞。不堪腸斷思鄉處。紅槿花中越鳥啼。時爲白敏中輩排擠。貶潮州司馬。又貶崖州司馬。故三四語雙關。猶柳州詩之射工鰥母也。

張籍

寄蘇州白二十三使君

三朝出入紫微臣。頭白金章未老身。登第早年同座主。涖官今日是州民。閭門柳色烟中遠。茂苑鶯聲雨後新。此處吟詩向山寺。知君忘却曲江春。有不滿意。

送李僕射赴鎮鳳翔

由來勳業屬英雄。兄弟連營列位同。先入賊城擒首惡。盡封官庫讓元功。雪夜擒吳元濟。讓功于裴度。旌幢獨繼家聲外。竹帛新添國史中。天子欲收秦隴地。故教移鎮右扶風。

賈島

寄韓潮州愈

此心曾與木蘭舟。起超直到天南潮水頭。隔嶺篇章來華岳。言韓之來書。出關書信過瀧流。言己之寄篇。峯懸驛路殘雲斷。海浸城根老樹秋。一夕瘴煙風捲盡。月明初上浪西樓。

牛僧孺字思黯。隴西人。貞元中進士。歷桓穆數兩朝。封奇章郡公。後出鎮鄂渚。文宗朝徵入再相。夙與李贇皇相惡。會昌中。分司東都。貶循州長史。大中初還。爲太子少師。

席上贈劉夢得

粉署爲郎四十春。今來名輩更無人。休論世上昇沉事。且鬪樽前見在身。珠玉會應成咳唾。山川猶覺露精神。莫嫌恃酒輕言語。曾把文章謁後塵。僧孺赴舉時。嘗投贇於劉。劉對客展卷。塗竄其文。歷二十年。劉轉汝州牛鎮。淮南枉道信宿。酒酣賦詩。劉方悟往年塗竄事。

朱慶餘本名可久。以字行。越州人。受知於張籍。成寶歷進士官未達。

南湖一作溫庭詩

湖上微風小檻涼。翻翻菱荇滿迴塘。野船著岸偃春草。水鳥帶波飛夕陽。蘆葉有聲疑露雨。浪花無際似瀟湘。飄然蓬艇東歸客。盡日相看憶楚鄉。

王建

贈王樞密

三朝行坐鎮相隨。今上春宮見長時。脫下御衣偏得著。進來龍馬每教騎。長承密旨歸家少。獨奏邊機出殿遲。不是當家頻見說。九重爭得外人知。建與宦官王守澄善。酒中語及漢桓靈任中官之禍。守澄憾之。欲以建所作宮詞百首上聞。曰。禁掖事汝何敢言。建賦此詩以贈。乃脫其禍。

杜

牧字牧之。京兆萬年人。太和二年進士。又舉賢良方正。歷任甲外官。終考功郎中。知制誥中書舍人。有樊川集二十卷。○晚唐詩多柔靡。牧之以拗峭矯之。人謂之小杜。以別於少陵。